

Qamutit mootorillit akileraarutaat pillugit Inatsisartut inatsisaata allanngortinneqarnera pillugu Inatsisartut inatsisaat (Biilinut innaallagiatortunut aamma plug-in hybridbiilinut akileraarut)

§ 1

Qamutit mootorillit akileraarutaat pillugit Inatsisartut inatsisissaat nr. 3, 16. juni 1987-imeersumi, kingullermik qamutit mootorillit akileraarutaat pillugit Inatsisartut inatsisaata allanngortinneqarnera pillugu Inatsisartut inatsisaanni nr. 10, 3. december 2012-imeersumi allanngortinneqartumi, makkua allanngortinneqarput:

1. § 2, *imm.* 1, imatut oqaasertalerneqarpoq:

” § 2. Akileraarutit ukiumut annertussuseqassapput:

- 1) Qamutit mootorillit 1.000 kg-t angullugit oqimaassusillit: kr. 6.554.
- 2) Qamutit mootorillit 1.001 kg-niit 1.200 kg-t angullugit oqimaassusillit: kr. 10.049.
- 3) Qamutit mootorillit 1.201 kg-niit 1.500 kg-t angullugit oqimaassusillit: kr. 10.747.
- 4) Qamutit mootorillit 1.501 kg-niit 1.800 kg-t angullugit oqimaassusillit: kr. 15.231.
- 5) Qamutit mootorillit 1.800 kg sinnerlugit oqimaassusillit: kr. 17.575.
- 6) Motorcykelit: kr. 3.540.
- 7) Qamutit mootorillit nunakkoorutit minnerusut sisamanik amerlanernilluunniit assakaasullit: kr. 2000.”

2. § 2-imi *imm.* 2-tut *nutaatut* ilanngunneqarpoq:

” *Imm.* 2. Qamutitut mootorilinnut, taamaallaat innaallagissamik imaluunniit brintimik ingerlateqartunut, kiisalu plug-in-hybridbiilinut, batterinik innaallagissamik immaqpinneqarsinnaasunik ingerlatilinnut akileraarut ukiumut kr. 6.554-nik annertussuseqarpoq.”

Imm. 2-4 tamatuma kingorna *imm.* 3-5-inngorput.

3. § 2, *imm.* 2, *imm.* 3-nngortoq, imatut oqaasertalerneqarpoq:

” *Imm.* 3. Akileraarut siumoortumik ukiup affakkaarlugi akilerneqartartoq, ulloq 1. april aamma 1. oktober akiligassanngortarpoq aammalu kingusinnerpaamik ulloq 30. april aamma 31. oktober akilerneqassalluni.

Piffissaq eqqorlugu akiliiffissaq ulloq kingulleq arfininngorneruppat, sapaataappat imaluunniit nalliuttuuppat, piffissamut killiliussat ulluinnarmut tullermut sivitsorneqassaaq.”

§ 2

Inatsisartut inatsisaat ulloq 1. januar 2020 atuutilerpoq aammalu siullermeertumik piffissamut akileraaruteqarfusussamut 1. april 2020-miit 30. september 2020-mut, akileraarutip ulloq 1. april 2020 akiligassanngorfiani, atuutissalluni, taamaattoq takuuk imm. 2.

Imm. 2. Nr. 1-imi aalajangersagaq ulloq 1. januar 2021 atuutilerpoq aammalu siullermeertumik piffissamut akileraaruteqarfusussamut 1. april 2021-mit 30. september 2021-mut, akileraarutip ulloq 1. april 2021 akiligassanngorfiani, atuutissalluni.

Namminersorlutik Oqartussat, ulloq 18. november 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut